



SAKSPAPIR

Saksnr	Utval	Type	Dato
21/2020	Bygdeutviklingsutvalet	PS	29.09.2020

Sakshandsamar	Arkiv	ArkivsakID
Tore Henrik Øye	FE-233, FA-V12	20/1155

TILDELING AV BYGDEUTVIKLINGSMIDLAR TIL VAKSDAL UNGDOMSKLUBB FOR INNKJØP AV IT-UTSTYR

Vedlegg:

Søknad bygdeutviklingsmidlar - It-utstyr til Vaksdal ungdomsklubb

Rådmannen sitt framlegg til vedtak:

Bygdeutviklingsutvalet i Vaksdal kommune (BU) løyver inntil kr. 20 000,- i bygdeutviklingsmidlar til Vaksdal ungdomsklubb for innkjøp av IT-utstyr. Løyvinga tek utgangspunkt i «Retningsliner for tilskot til bygdeutvikling».

Tilskotet vert betalt ut på bakgrunn av dokumenterte kostnader eller tilsendt faktura inntil løyvd beløp.

Løyvinga gjeld for eitt år frå og med vedtaksdato.

Bygdeutviklingsutvalet - Sak 21/2020

BYG - Behandling:

Utvalet drøfta saka.

Rådmannen sitt framlegg til vedtak vart samrøystes vedteke.

BYG - Tilråding/Vedtak:

Bygdeutviklingsutvalet i Vaksdal kommune (BU) løyver inntil kr. 20 000,- i bygdeutviklingsmidlar til Vaksdal ungdomsklubb for innkjøp av IT-utstyr. Løyvinga tek utgangspunkt i «Retningsliner for tilskot til bygdeutvikling».

Tilskotet vert betalt ut på bakgrunn av dokumenterte kostnader eller tilsendt faktura inntil løyvd beløp.

Løyvinga gjeld for eitt år frå og med vedtaksdato.

Saksopplysningar:

Samandrag/konklusjon (kort om saka)

Vaksdal ungdomsklubb søker BU om bygdeutviklingsmidlar til innkjøp av PC, prosjektor og lerret i samband med innflytting i nye lokaler på Jamne. Innkjøpet er budsjettert til om lag kr. 20 000,-. Det vert ikkje søkt om eit spesifikt beløp.

Rådmannen vurderer at søknaden frå ungdomsklubben er i tråd med retningslinene for tilskotsordninga, og går inn for tildeling av inntil kr. 20 000,- i tilskot til innkjøp av det nemnde IKT-utstyret.

Bakgrunn for saka

BU forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling.

I søknad av 17.08.2020 søker Vaksdal ungdomsklubb, v/ Sandra Flåm Kroksrud, om bygdeutviklings-midlar til å finansiere innkjøp av IT-utstyr i samband med innflytting i nye lokaler. Innkjøpet vil omhandle:

- Ny PC - om lag kr. 7- 8000,-
- Ny projektor - om lag kr. 10 000,-
- Letter - om lag kr. 1-2000,-

SAMLA KOSTNAD - om lag kr. 20 000,-

I søknaden går det fram at medlemene i ungdomsklubben jobbar mykje på dugnad for å gjere dei nye lokala på Jamne klare til innflytting i september. I dette høve vonar søker på tilskot til oppgradering av IT-utstyret, som grunnlag for arrangement og aktivitetar. Det vert ikkje søkt om ein spesifikk sum.

Vaksdal ungdomsklubb er eit aktivitets- og fritidstilbod for barne- og ungdomsskuleelevar på Vaksdal, men også elles i kommunen. Klubben har ulike arrangement på kvardagar og i helger, fordelt på ulike klassetrinn.

Formelt grunnlag

Retningsliner for tildeling av tilskot frå BU, vedtekne på møtet av 26.05.20:

- Løyving av tilskot til søknadar med søknadssum under kr. 15 000,- kan skje i kvart møte.
- Løyving av tilskot til søknadar over kr. 15 000,- skjer to gongar i året.
- Tilskotsordninga er ny, og tildelingar i tidleg fase vil kunne vere med å legge retning for

kven som seinare skal kunne søkje midlar frå BU. Utvalet må derfor vurdere om innkomne søknadar er i tråd med vilkåra for tilskotsordninga.

Vurdering og konsekvensar

I følge retningslinene for bygdeutviklingsmidlane kan det søkjast om tilskot til prosjekt eller aktivitetar med ålmennyttige føremål. Målet med tilskotsordninga er å skape trivnad og stimulere til aktivitet som er ope og tilgjengeleg for alle. I dette høve kan det gjevast tilskot til innkjøp av materiell/utstyr og ved opprusting eller gjennomføring av prosjekt.

Føremålet med søknaden frå ungdomsklubben er i tråd med retningslinene for tildeling av bygdeutviklingsmidlar. Rådmannen ser det som verdfullt å leggje til rette for organiserte fritidstilbod for born og unge i trygge omgjevningar. I dette høve vert oppussinga av nye lokale, med innkjøp av naudsynt utstyr, vurdert som eit viktig grunnlag, og til inspirasjon, for ulike aktivitetar og arrangement framover.

Sjølv om det ikkje ligg føre eit eige, spesifisert budsjett, vert kostnadsoverslaget i søknaden vurdert å vere tilstrekkeleg til å innfri retningslinene sine krav til budsjettering.

Rådmannen går inn for at det vert løyvd inntil kr. 20 000.- i bygdeutviklingsmidlar til innkjøp av PC, projektor og lerret, med utbetaling etter dokumenterte kostnader, eller på bakgrunn av tilsendt faktura.